

wert mede vnderlophen/wo schal men don: yd motk dar vme
nicht na blyuen. Dennoch yffet yo beter dat de gytz tho vhele
nymmet dorck ordentlyke wyse/ wan datk eyne rabbusse dar
vth wörde alse yn Beheimen lande gescheen ys Eyn ytlycker
pröue syck suluen wat he tho syner nottofft nemen/ vnd dem
gemenen kassen lathen schal.

Vpt drydde/ sulcke wyse gebört ock vp de Bisschopdom/
Styffte vnd Capyttel/ de land vnd stede vnd ander güder vñ
der sick hebben/ wente sulcke Bisschoppe vnd styffte syn wed
der Bisschoppe noch styffte/ yd syn ym grunde der warheytk
wertlyke heren/ myt eynē geystlikē namen/ dar vñme scholde
men se wertlike herē makē / edder de güder den armen eruen
vnd fründen vnd dem gemenen kassen vth deilen. Wat auer
probenden vnd lehn syn/ scholde men lathen blyuen dē yennis
gen so se yzunt ynne hebben/ vñ na örem dode nemande mehr
vorlyen/ sunder vnder de armen eruen vnde yn eynē gemenen
Kassen leggen.

Vpt veerde / yd sthan auer der kloster vñnd styffte güder
thom deyle/ vnd lenke faste vele vp dem woker de sick yzunt
yn aller werlt nōmet dē wedderkop vnd hefft de ganze werlt
yn korten jaren vorlungen/ sulcke güder motk men thouorn
affjünderen van dē erffgestyffte güdern alse den vtsatk/ wete
wat yck dar bouē geraden hebbe/ wyl yck van den styfftingen
gesecht hebben/ de ahne wedderkop / van rechten reddelyken
erffjüdern gestyfftet syn/ de styffte after vp wedderkop gestyff
tet mach men wol vor woker holden/ wente yck noch nū keinē
rechten tynskop vp wedderkop gesehen edder gehöret hebbe/
dar vme motk men hyr thouorn dē woker böten/ vnd eynem
ytlyken weddergeuen dat syne/ ehz men dat yn eynen gemenē
kassen letke kōnen/ wente god sprickt Ick byn vyendt dē op
per dat van roue kammet. Yd were denne dat men de nyche
fynden kōnde so myt deme wedderkope beschediget syn datk
mochte denne de gemene kassen tho sick nemen.

Wo auer de wedderkop recht vñnd vnrecht sy ys yzunt
tholangk tho vortellen / yck hebbe yd genochsam beschriuen